

Broj: 05-02-5-10258/25  
Sarajevo, 28.01.2025. godine

PARLAMENT FEDERACIJE BIH  
ZASTUPNIČKI DOM PARLAMENTA FEDERACIJE BIH

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

Primljeno:	17-02-2026		
Org. jed.	Broj	Priloga	Vrijednost
05/1	-02-	743	/25

PREDMET: Odgovor na zastupničko pitanje, dostavlja se

**Veza:** Akt Vlade Federacije BiH, broj: 03-04-1954-3/25 od 28.11.2025. godine i 03-04-155-14/26 od 23.01.2026. godine  
Akt Zastupničkog doma Parlamenta Federacije BiH, broj: 05/1-02-743/25 od 24.11.2025. godine i 05/1-02-743/25 od 20.01.2026. godine;

Poštovani,

Shodno aktima Vlade Federacije BiH i Zastupničkog doma Parlamenta Federacije BiH, broj i datum veze, dostavljamo vam odgovor na zastupničko pitanje u vezi poreznih dugovanja javnih zdravstvenih ustanova (JZU) u Federaciji Bosne i Hercegovine, koje je dana 20.11.2025. godine na 26. redovnoj sjednici Predstavničkog doma Parlamenta Federacije BiH postavio uvaženi zastupnik Petar Galić.

Cijeneći postavljeno pitanje, a u skladu s podacima koji su ovom organu dostavljeni a sa kojima raspolaže Porezna uprava Federacije Bosne i Hercegovine, određeni broj javnih zdravstvenih ustanova u Federaciji Bosne i Hercegovine nalazi se u postupcima prinudne naplate zbog neizmirenih poreznih obaveza po osnovu poreznih dugovanja.

Na dan 12.12.2025. godine, prema informaciji Porezne uprave Federacije BiH javne zdravstvene ustanove nalazile su se u različitim statusima u pogledu prinudne naplate i finansijske konsolidacije, kao i visini poreznih dugovanja. **Sveučilišna klinička bolnica Mostar**, sa stanjem dugovanja na u prinudnoj naplati na 31.10.2025. godine u iznosu od 135.009.534,11 KM, ima donesenu Odluku o konsolidaciji, međutim do navedenog datuma još uvijek nije zaključen sporazum o izmirenju poreznih obaveza. **JU „Dom zdravlja“ Konjic** podnijela je zahtjev za konsolidaciju, ali odluka o finansijskoj konsolidaciji još nije donesena. **JU „Dom zdravlja“ Konjic** na isti dan, bilježi dugovanje od 11.311.689,43 KM. **JU „Opća bolnica“ Konjic** imala je dugovanje u iznosu od 8.061.698,78 KM i jedina je javna zdravstvena ustanova koja je na dan 12.12.2025. godine imala zaključen sporazum o plaćanju poreznih dugovanja u ratama. **JU „Dom zdravlja“ Livno** bilježi dugovanje u iznosu od 1.207.572,04 KM i nalazi se u statusu blokade na osnovu rješenja o ograničenom pravu raspolaganja iz 2016. godine. **Županijska bolnica „Dr. fra Mihovil Sučić“ Livno** također je u statusu blokiran na osnovu rješenja iz 2016. godine, pri čemu je podnijela molbu za zaključenje sporazuma i ima donesenu Odluku o konsolidaciji, te njeno dugovanje u prinudnoj naplati na 31.10.2025. godine iznosi 5.367.955,93 KM. **JU „Dom zdravlja“ Drvar** nalazi se u statusu blokiran na osnovu rješenja o ograničenom pravu raspolaganja iz 2016. godine, sa iznosom dugovanja 3.670.386,28 KM. **JU „Dom zdravlja“ Glamoč**, sa stanjem duga u prinudnoj naplati na 31.10.2025. u iznosu od 1.102.550,62 KM i **JU „Dom zdravlja“ Kupres**, sa stanjem duga u prinudnoj naplati na 31.10.2025. u iznosu od 166.513,02 KM, nalaze se u statusu blokiran na osnovu rješenja o

ograničenom pravu raspolaganja iz 2016. godine, pri čemu je JU „Dom zdravlja“ Glamoč podnijela molbu za zaključenje sporazuma. Za JU „Dom zdravlja“ Tomislavgrad doneseno je rješenja o obustavi transakcija od 02.12.2025. godine, a postupanje se vrši po konačnom rješenju Federalnog ministarstva finansija od 12.11.2025. godine, uz podnesenu molbu za zaključenje sporazuma, te ista javna ustanova bilježi stanje dugovanja u prinudnoj naplati na dan 31.10.2025. godine 3.142.574,65 KM. JU „Opća bolnica“ Jajce bilježi dugovanje u iznosu od 477.956,43 KM. Za navedenu ustanovu donesena je Odluka o konsolidaciji, međutim do dana 12.12.2025. godine još uvijek nije zaključen sporazum o izmirenju poreznih obaveza. Za JU „Dom zdravlja“ Zavidovići, sa dugovanjem u prinudnoj naplati na dan 31.10.2025. godine 1.872.496,86KM nadležni sud donio je rješenje o odgodi izvršenja pd 05.05.2025. godine, čime je na snazi postupka prinudne naplate do okončanja upravnog spora.

Zaključno, prema informacijama koje je dostavila Porezna uprava Federacije BiH, četiri javne zdravstvene ustanove (JZU) u postupcima prinudne naplate na dan 12.12.2025. godine nalaze se u postupku konsolidacije prema Zakonu o konsolidaciji i restrukturiranju javnih zdravstvenih ustanova u Federaciji Bosne i Hercegovine („Službene novine FBiH“, br. 34/22 i 77/22), dok za ostale još uvijek nisu donesene odluke o finansijskoj konsolidaciji.

Za poreznog dužnika JU „Dom zdravlja“ Zavidovići na snazi je prekid postupka prinudne naplate do okončanja upravnog spora, s obzirom na to da je kod nadležnog suda ishodovano rješenje o odgodi izvršenja do okončanja upravnog spora.

Od svih gore navedenih poreznih dužnika JZU, sporazum o plaćanju poreznih dugovanja u mjesečnim ratama na dan 12.12.2025. godine ima samo JU „Opća bolnica“ Konjic, dok je dio ostalih podnio molbe za zaključenje sporazuma.

Do blokade transakcijskih računa ostalih javnih zdravstvenih ustanova došlo je na osnovu konačnog rješenja Federalnog ministarstva finansija, broj: 03-12-2-OP-158-1/22 H.Č. od 12.09.2025. godine, te osim navedenih, u posljednjih šest mjeseci nije bilo drugih blokada računa javnih zdravstvenih ustanova od strane Porezne uprave Federacije Bosne i Hercegovine.

S poštovanjem,



Dostaviti:

- Naslovu
- co. Generalni sekretarijat Vlade FBiH
- a/a